



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalm. XLII. Quemadmodum desiderat ceruus.

urn:nbn:de:hbz:466:1-44993

PSALMORVM
LIBER II.

PSALM. XLII.
Quemadmodum desiderat cervus.

PIETATIS EXERCITATIO
IVCVNDISSIMA.

Ad præstantem, Animaduersio filiis Coreli.
Carmen Dicolon Tetraastrophon.

- V**iget cerua velut, dum sitiens aquæ
Ad riuos properat: sic anima hæc Deum
Te magnum cupiens ic̄ta fidelibus
Te desiderijs petit.
- 3 Magnum nempe anima hæc nostra sitit Deum
FORTEM, perpetuò qui viget & valet.
O quando veniens aspiciam DEI
Vultus forte beatior?
- 4 Heu mi sunt lachrymæ pro dapibus diu
Et noctu, pariter tristes vt audio;
At nunc ille Deus, quem tibi PRINCIPEM
Afirmare soles, vbi est?
- 5 Effundam ipse dolens hanc animam mihi,
Dum tempus recolam, quo soleo Dei
Iunctis ordinibus, composito & gradu
Aedem visere maximi.
Dum voces memini lætitiæ indices
Et laudum comites, carmina & inclytæ,
Quæ festiua meis turba frequens choris
Sacro reddiderat die.
- 6 Quid nunc vis animæ deiiceris mihi?
In me quidve fremis? certa mane DEVM,
Cuius fausta colam numina liber, &
Sospes vota canam pia.
- 7 In me deiicitur mens mea mi DEVS,
Vnde & te recolo rura per aspera
Iarden præcipitem qua lauat Hermonum &
Parui ad culmina Misgari.
- 8 En turbata trahens vnda voragines
In me congeminat, vocibus excita;

Ventorum

PSALMORVM LIBER II.

Ventorum ac pluuiæ defluuîis tuz
Vndis, fluctibus obruor.

- 9 IAS auxilium cùm daret, ac dies
Iussisset facilis surgere prosperos;
Tunc noctu ipse canens dicere sueueram
FORTEM præsidium meum.
- 10 Nunc FORTI ipse meo conquerar (is mihi
Rupes) me quid enim deseris immemor,
Pullatisve facis vestibus ingredi
Me cogentibus hostibus?
- 11 Dissectis veluti me ossibus enecent,
Probris conficiunt; queis premor hostibus,
Dum dicunt, vbi nunc, quem tibi PRINCIPEM
Affirmare soles DEVM?
- 12 Quid nunc ægra anima ô deiiceris mihi?
In me quidve fremis? certa mane DEVM,
Cuius fausta colam numina liber, &
Sospes vota canam pia.

PSALMVS XLIII.

Iudica me Deus, & discerne causam meam.

VOTVM PRO RESTITVTIONE.

Carmen Tricolon Tetraastrophon.

- 1 IVDIX DEVS me vlciscere, iurgium &
Iurgare solers incipe tu meum;
Me gente defende ex proterua,
Atque viro nimium doloso.
- 2 Tu (nam DEVM te præsidij mei
Agnosco) cur me longius abiicis?
Cur ater incedam furente
Hoste dolens nimis ac premente?
- 3 Lucem fidemque (vt pollicitus) tuam
Mitte, vt sacrati montis in arduos
Ducar recessus; atque vt arceis
Quas colis, his ducibus reuisam.
- 4 Inde vsque ad aram perueniam DEI,
FORTEMque gaudi lætitiæ mei;
Dicamque plectro tunc DEVM te,
Teque meum fidibus PATRONVM.
- 5 Quid te meæ, quid vis animæ abiicis?
Commota cur sic infremis? at DEVM
Intaminata spe maneto,
Carminè quem celebrem reponam;

Ille